

El a causa kippenvel cu poema durante desvelo estatua Anne Frank

Angelle Stamper: Futuro dokter cu amor pa poesia

ANGELLE Stamper, un nomber comun y coriente cu no ta parce tur dia den corant. Pero despues di su presentacion diadomingo den Wilhemina Park na desvelo di estatua di Anne Frank, es nan presente lo no lubide.

Un hoben cu a yena awa den wowo di esnan presente, a conmove nan te na punto cu es nan presente a dun'e un "standing ovation". Un reaccion cu "nunca di mi bida di a spera", segun palabra di autora di e poesia "Freedom Within".

Durante e ceremonia di desvelo di e estatua di Anne Frank organisadonan kier a promove y motiva mas tolerancia, respet, norma y balornan bou di hobennan di nos isla pa cual a dirigi esaki na e grupo aki. Angelle Stamper ta un hoben cu for di 12 aña caba a cuminsa skirbi poesia, gran mayoria na Ingles y a participa pa prome biaha den un evento, cu tabata esun di Arte di Palabra, na 2009. Den e participacion entre e islanan den declamacion di poesia, su persona a sa di conkista e segundo luga. Loke ta remarcabel di e talento enorme cu e hobencita aki ta dispone di dje den e arte di poesia ta, cu ta riba e fecha di e desvelo di estatua di Anne Frank, su persona a composita e bunita y tremendo poema aki cu sigur a toch curason di tur esnan presente. Angelle a conta nos cu pa haci su presentacion, el a bay lesa mas riba bida y dedicacion di tanto dr. Martin Luther King como tambe di Anne Frank. Sinembargo e tiki tempo cu el a haya pa haci research, a dun'e un inspiracion grandi pa traha un poesia cu ta parti di obranan cu el a yega di skirbi caba combina cu palabranan cu a yega di wordo expresa dor di e gran personahe dr. Marthin Luther King jr. "Palabranan di King a inspirami masha hopi mes," el a bisa.

Momento cu Angelle a presenta dilanti e publico, declamando "Freedom Within" cu tur su energia y pasion, a reina un silencio inmenso, cu e publico scuchando y imaginando e palabranan profundo expresa den tempo di Anne Frank y Martin Luther King. "Na final mi a cana bay y no a spera e standing ovation", el a bisa. "Mi a bira wak y pa mi e aplauso tabata."

E hoben aki ta haciendo su ultimo preparacionnan pa e biaha pa Hulanda caminda cu e lo sigui cu su estudionan avansa cu no tin nada di haber cu poesia. Su deseo ta, studia medicina y su di dos opcion lo ta Bio-Medische Wetenschap.

